

Alkitab Anggen Anak Alit

Sang Prabu
Uling Tukade



Kasurat olih: Edward Hughes

Kaperagayang olih: M. Maillot; Lazarus
Alastair Paterson

Ka tempa saking: M. Maillot; Sarah S.

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.



Sang Prabu Yusuf sube mati.
Makejang rakyat Mesir milu
ngerasayang kesedihan
keluarga danene. Ida Sang
Hyang Widi mrabotang dane

Yusuf buat
ngarahayang
panegara
Mesire uli
kekewehan
masan sayah.




Dane wicaksana pesan lan dadi
pengede ane sayangine tekan
rakyatne. Ane jani dane
sube tusing nu hidup.



Telung atus tiban sube lewat. Keturuan dane Yusuf lan kelurgane dadi bangsa ane kuat di Mesir. Sang prabu Firaun merasa jekeh yening anak-anak Yahudi lakar ngelawan pemerintahanne. Uli krana keto dane nadiang makejang anak-anak Yahudine

dadi panjak.



Dane Firaun nyengsarain ia ditu. Firaun mrentahan apange ia ngewangun kota ane gede. Sakewala lamun apa baat pegaene, anak-anak Yahudine terus ngeliunan wilangane.



Sedek dina anu ada prentah uli dane Firaun ane ngranayang anake takut. “Makejang bayi ane muani-muani ane mare lekad apange kauntungan ke tukad Nile” Firaun ane jaat ngerencayang nguangin wilangan wong Yahudine. Liu masi rarene ane kematiang.



“Apeke ane prasida laksayang iraga?” Salah tunggalin keluarga sedeng bingung pesan. Ia lantas ngabe bayine ke tukad Nile. Bayi ento tongosange di keranjang apang tusing nyilem.



Kerangjange ento kambang di selag-selagan padange di yehe, yehe
ane nganyudang penumpangne ane maguna pesan. Kengken lakar
panadine teken bayi ane cerik ento?



Uli tongos ane joh, mbok bayi ento ngetut keranjang ane misi adine, kije je yehe nganyudang keranjange ento.



Tan dumade anak istri dane Firaun lan
para panjakne mesiram ke tukade.
Keranjang ento sinah suba ngenah.
Miriban rikala majalan ia tusing je rungu
teken keranjange ento.



“Eh ada keranjang di selag-selagan padange. Tiang dot nawang apa mirib isin keranjange ento”. Anak istri Firaun mrentahang panjak-panjakne apanga ia nyemak keranjange ento. Rikala keranjange ento bukaka – jeg saget ade bayi ane ngeling. “Ade bayi anak Yahudi,” baos putri mahkotane ento.




“Pedalem anak cerike ene. Ganteng pesan.” Putri Firaun mebaos teken bayine cara ia ngomong ajak anak kelih. Ia mirib masi ngomong: “aduh gemes ne” – dane nganggon bahasa Mesir.



Ida Sang Hyang Widi ngemertanin mbok nyane bayi ento aji kewicaksanan, ane special pesan. Ia melaib maekin putri Firaun. “Punapike jerone kayun ngrereh anak eluh Yahudi ane lakar miara bayi ne ento?” “Nyak Pesan” baos danene. Nyen miribang ane lakar jeritine olih anak luh ento?



“Meme, enggalin mai! Enggalin!” Miribang anak luh ento tusing ngelah waktu buat ngemang alasane. Dane bareng-bareng ajake dadua enggal-enggal melaib nyemah-nyelah jalan.



Ia melipetang ke tukade, okan dane Firaun lantas nyangkol bayi ne ento. Piara je rare ne ene buat tiang. Adanin ia Musa. Musa artine ketingtingan uli yehe.



Pemuput ne dane Musa mulih buin ka umah wong atuan ne. Ia ngurukan Musa dreda bakti ring Ida Sang Hyang lan sesamen bangsa Yahudine. Tusing je mekelo ia lakar idup bareng-bareng ajak anak istri Firaun di Istana. Ida Sang Hyang Widi ane ngerahayuan idupne, meduwe rencana ane gede buat bayi Musa ring masane sane jagi rauh.



Sang Prabu Uling Tukade

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Perarudan 2

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

